

**ԵՐԻՏԱՍԱՐԴ ԶԵՏԱԶՈՏՈՐԻ ԱՍԲՈՆ**  
**TRIBUNE OF YOUNG RESEARCHER**  
**ТРИБУНА МОЛОДОГО ИССЛЕДОВАТЕЛЯ**

**ՖՐԱՆՍԻԱՅԻ ԶԱՆՐԱԴԵՏՈՒԹՅԱՆ ԴԻՐՔՈՐՈՇՈՒՄԸ ԵՎ  
 ԶԱՂԱԶԿԱՆՈՒԹՅՈՒՆԸ ՂԱՐԱԲԱՂՅԱՆ ՀԻՄՆԱԽՆՆԴՐԻ ՇՈՒՐՋ\***

ՀՏԴ 327.8(44+ 479.243)

**ՍԱՐԻԱՍ ԹՈՓԱԿՅԱՆ**

ԵՊՀ միջապգային հարաբերությունների ֆակուլտետի մագիստրատ,  
 ք. Երևան, Հայաստանի Հանրապետություն  
[mariam.topakyan@gmail.com](mailto:mariam.topakyan@gmail.com)

Հոդվածի նպատակն է ներկայացնել Ֆրանսիայի Հանրապետության դիրքորոշումը և քաղաքականությունը Ղարաբաղյան հիմնախնդրի շուրջ: Մեր խնդիրն է վեր հանել և վերլուծել Ֆրանսիայի Հանրապետության և ֆրանսիական քաղաքական շրջանակների պաշտոնական դիրքորոշումները, վերաբերմունքը և ժամանակի հոլովությունում դրանց փոփոխությունները Ղարաբաղյան հիմնախնդրի և դրա հանգուցալուծման վերաբերյալ, որը ժամանակի ընթացքում դարձել է հայ-ֆրանսիական բարեկամական հարաբերությունների քաղաքական օրակարգի և երկխոսության կարևոր բաղադրատարրերից մեկը:

Հետապոտության իրականացման ընթացքում կիրառվել են պատմահամեմատական, բովանդակային ու արխիվային փաստաթղթերի և այլ նյութերի համադրման, վերլուծության մեթոդները:

Հետապոտության արդյունքում հանգել ենք այն եզրակացության, որ հայ-ֆրանսիական հարաբերություններում իր նշանակալի տեղն ունի Ղարաբաղյան հիմնախնդիրը և դրա խաղաղ կարգավորումը: Մինսկի խմբում Ֆրանսիայի Հանրապետության հանդես գալը, հիմնախնդրի կարգավորման վերաբերյալ երկու երկրների դիրքորոշումների համամասնությունը վկայում են հիմնախնդրի կարգավորման վերաբերյալ երկու երկրների դիմամիկ և ակտիվ գործընկերության ու փոխգործակցության մասին: Բացի այդ, Ֆրանսիայի Հանրապետության՝ Մինսկի խմբի շրջանակում և դրանից դուրս իրականացրած քայլերն ու նախաձեռնությունները վկայում են նաև տարածաշրջանում ամրապնդվելու և տարածաշրջանային կարգացումներն ի նպաստ սեփական շահերի ու նպատակների իրականացմանը ծառայեցնելու ֆրանսիական կողմի նպատակի մասին:

**Հիմնաբառեր՝** Ֆրանսիայի Հանրապետություն, հայ-ֆրանսիական հարաբերություններ, Ղարաբաղյան հիմնախնդիր, ԵԱՀԿ Մինսկի խումբ, բանակցային գործընթաց, անվտանգություն, ֆրանսահայ համայնք, միջխորհրդարանական բարեկամության խմբեր:

\* Հոդվածը ներկայացվել է 24.04.2020թ., գրախոսվել՝ 28.04.2020թ., տպագրության ընդունվել՝ 20.09.2020թ.:

Հայ ժողովրդի ներկայի և հետագա կայուն զարգացման ու բնականոն կենսագործունեության համար առանցքային և կարևորագույն նշանակություն ունի Ղարաբաղյան հիմնախնդիրը, որի հանգուցալուծման են նպատակաուղղված Հայաստանի Հանրապետության և Հայ Սփյուռքի միացյալ ջանքերը՝ միաժամանակ նպաստելով ու խթանելով հիմնախնդրի միջազգայնացմանը և դրա վերաբերյալ համապարփակ իրազեկվածության բարձրացմանը՝ այն մշտապես միջազգային հանրության քաղաքական օրակարգում պահելով: Ղարաբաղյան հիմնախնդրի կարգավորումը Հայաստանի Հանրապետության քաղաքական օրակարգի և ազգային անվտանգության առանցքային խնդիրն է<sup>664</sup>, որից անմիջականորեն բխում է Հայաստանի Հանրապետության պաշտոնական դիրքորոշումը հիմնախնդրի առնչությամբ, ըստ որի՝ հիմնախնդրի կարգավորումը պետք է հիմնված լինի հետևյալ սկզբունքների վրա՝ 1. Լեռնային Ղարաբաղի հակամարտության կարգավորման հիմք պետք է հանդիսանա Լեռնային Ղարաբաղի ժողովրդի ինքնորոշման իրավունքի իրականացման ճանաչումը, 2. Լեռնային Ղարաբաղը Հայաստանի հետ պետք է ունենա հայկական կողմի իրավագործության տակ գտվող անխափան ցամաքային կապ, 3. Լեռնային Ղարաբաղի անվտանգությունը պետք է միջազգայնորեն երաշխավորված լինի<sup>665</sup>:

Ինչպես գիտենք, հայ-ֆրանսիական բարեկամական հարաբերությունները հիմնված են երկու երկրների՝ Հայաստանի արտաքին քաղաքականության հիմնախնդիրների ու գերակայությունների շուրջ երկկողմ համագործակցության ու փոխգործակցության վրա: Ֆրանսիայի Հանրապետության հետ ունեցած պատմական հարուստ անցյալ ունեցող բարեկամական հարաբերությունները Հայաստանի համար կարևորագույն նշանակություն ունեն սաև Ղարաբաղյան հիմնախնդրի կարգավորման տեսանկյունից: Ֆրանսիան համաշխարհային քաղաքականության ազդեցիկ դերակատարներից է, որն իր շահերը, հետաքրքրություններն ու նպատակներն ունի աշխարհի տարբեր տարածաշրջաններում՝ ներառյալ ռազմավարական կարևոր նշանակություն ունեցող Հարավային Կովկասում, ուստի Հայաստանի հետ ունեցած բարեկամական հարաբերությունների վրա հիմնվելով՝ Ֆրանսիան ձգտում է ամրապնդվել և քաղաքական ազդեցություն ունենալ նաև այս տարածաշրջանում: Բացի այդ, Ղարաբաղյան հիմնախնդրի վերաբերյալ ֆրանսիական կողմի դիրքորոշումը, քաղաքականությունը և հանգուցալուծման հարցում ներգրավվածությունը կարևոր է մի շարք առումներով. նախ Ֆրանսիան Եվրամիության առաջատար երկրներից է, Ռուսաստանի Դաշնության և Ամերիկայի Սիացյալ Նահանգների հետ միասին որպես Եվրոպայի ծային ներկայացված է ԵԱՀԿ Մինսկի խմբի եռանախագահությունում, ինչը վկայում է աշխարհում և Եվրոպայում նրա ունեցած քաղաքական կշռի մասին<sup>666</sup>:

1992 թվականի մարտի 24-ին Հայաստանի և Ադրբեջանի՝ ԵԱՀԿ-ին անդամակցելուց հետո Բելառուսի Հանրապետության մայրաքաղաք Մինսկում գումարված կոնֆերանսի ժամանակ որոշում ընդունվեց Լեռնային Ղարաբաղի խնդրով զբաղվող հատուկ խումբ ստեղծել, որով և դրվեց ԵԱՀԿ Մինսկի խմբի գործունեության հիմքը<sup>667</sup>: Փաստորեն, միջազգային հանրության անունից Ղարաբաղյան հակամարտության կարգավորմամբ լիազորված էր զբաղվել ԵԱՀԿ-ն, որի

<sup>664</sup> Հայաստանի Հանրապետության ազգային անվտանգության ռազմավարություն, URL: <https://www.mfa.am/filemanager/Statics/Doctrinarm.pdf>:

<sup>665</sup> ՀՀ Արտաքին գործերի նախարարություն, Լեռնային Ղարաբաղի հիմնախնդիր, URL: <https://www.mfa.am/hy/nagorno-karabakh-issue/>:

<sup>666</sup> **Կարապետյան Ա.**, Ֆրանսիայի Հանրապետության քաղաքականությունը ԼՂ հակամարտության կարգավորման հարցում, Բանբեր Երևանի համալսարանի, 139.6, Եր., 2013, էջ 43:

<sup>667</sup> **Манасян А.**, Карабахский конфликт: Ключевые понятия и хроника, Ер., 2005, С. 55.

գործունեությունը այս գործընթացում ընդունված է կապել Մինսկի խմբի գործունեության հետ<sup>668</sup>:

1993 թվականի մարտի 12-ին կնքվեց «Հայաստանի Հանրապետության և Ֆրանսիայի Հանրապետության միջև համաձայնության, բարեկամության և համագործակցության մասին» պայմանագիրը, որում ի թիվս այլ հարցերի, առանձին հոդվածով (հոդված 7<sup>669</sup>) ամրագրվում էր նաև Հայաստանի Հանրապետության և Ֆրանսիայի Հանրապետության սերտ համագործակցությունը եվրոպայում անվտանգության ու համագործակցության խորհրդակցության շրջանակներում, որոնք համատեղ գործողություններ են ծավալում նրա՝ հատկապես իրավական ոլորտի հաստատությունների ամրապնդման համար, որպեսզի նպաստեն կայունությանը, անվտանգությանը և իրավական պետությանը եվրոպական մայրցամաքում՝ օժանդակելով այնպիսի նորմերի ընդունմանը, որոնք նպաստում են հակամարտությունների կանխմանը<sup>670</sup>:

1996 թվականի դեկտեմբերի 3-ին Պորտուգալիայի Հանրապետության մայրաքաղաք Լիսաբոնում տեղի ունեցած գազաթափողովի ժամանակ Ֆրանսիան չխոչընդոտեց ԵԱՀԿ նախագահության՝ հակամարտության կարգավորման սկզբունքները (1. Հայաստանի և Ադրբեջանի տարածքային ամբողջականություն, 2. ստորագրվելիք խաղաղության համաձայնագրի մեջ Լեռնային Ղարաբաղի համար Ադրբեջանի կազմում ամենաբարձր ինքնավարության կարգավիճակ՝ հիմնված ինքնորոշման սկզբունքի վրա, 3. ԼՂՀ և նրա ողջ բնակչության անվտանգության ապահովում՝ ներառյալ երկու կողմերից խաղաղության համաձայնագրի բոլոր դրույթների հարգման փոխադարձ երաշխիքների ամրագրմամբ<sup>671</sup>) սահմանող հռչակագրի կազմմանը, որը չէր ստացել Հայաստանի հավանությունը<sup>672</sup>: Հետագայում Ֆրանսիան հարաբերականացրեց և որոշակիացրեց իր վերաբերմունքը և քաղաքականությունը ինչպես Ադրբեջանի, այնպես էլ Վրաստանի նկատմամբ՝ հաշվի առնելով այն հանգամանքը, որ ամերիկացիները սիրաշահում են վերջիններիս և բացի այդ, հիշյալ երկրները քաղաքական, տնտեսական և անգամ պատմական պատճառներով շրջվել են դեպի եվրոպական այլ պետություններ (Վրաստանը դեպի Գերմանիա, Ադրբեջանը՝ ԱՄՆ, Մեծ Բրիտանիա)<sup>673</sup>: Ուստի պարզ է դառնում, որ ֆրանսիական կողմը, այս ամենը հաշվի առնելով, պետք է վերաձևակերպեր իր ակնկալիքները, հետագա քայլերը, իր առջև դրված նպատակները և խնդիրները տարածաշրջանում՝ առաջին հերթին զարկ տալով և խթանելով Հայաստանի Հանրապետության հետ քաղաքական կայուն երկխոսության զարգացմանն ու խորացմանը:

Պետք է փաստել, որ հայկական կողմը երկկողմ փոխայցելությունների և հանդիպումների ժամանակ բազմիցս ներկայացնելով հիմնախնդրի լուծման դժվարությունները՝ միաժամանակ նշում էր, որ հակամարտության խաղաղ կարգավորումը ձեռնադրել է բոլորին, սակայն ընդունելի բանաձևեր գտնելու և Ղարաբաղի անվտանգության երաշխիքներն ապահովելու համար ցանկալի է Ֆրանսիայի և

<sup>668</sup> **Բալայան Տ.**, Ղարաբաղյան հիմնահարցը և միջազգային դիվանագիտությունը 1991-1994 թթ., Եր., 2004, էջ 52:

<sup>669</sup> ՀՀ Արտաքին գործերի նախարարություն, պատմադիվանագիտական բաժնի նյութեր (այսուհետ՝ ՀՀ ԱԳՆ ՊՂԲ), ց. 1, գ. 180, թ. 73:

<sup>670</sup> «Պայմանագիր Հայաստանի Հանրապետության և Ֆրանսիայի Հանրապետության միջև համաձայնության, բարեկամության և համագործակցության մասին», URL: <http://www.irtek.am/views/act.aspx?aid=21760>:

<sup>671</sup> ՀՀ ԱԳՆ ՊՂԲ, ց. 3, գ. 185, թ. 12:

<sup>672</sup> ՀՀ ԱԳՆ ՊՂԲ, ց. 1, գ. 180, թ. 170:

<sup>673</sup> ՀՀ ԱԳՆ ՊՂԲ, ց. 1, գ. 180, թ. 171:

Եվրոպական համայնքի այլ առաջատար երկրների առավել ակտիվ ու նպատակալաց միջնորդությունը<sup>674</sup>։ 1996 թվականից Ֆրանսիան ակտիվացրեց իր քայլերը և՛ Եվրոպայում, և՛ Հարավային Կովկասում՝ համագործակցություն սկսելով մի շարք երկրների, այդ թվում՝ Հայաստանի Հանրապետության հետ, որի մասին են վկայում կարճ ժամանակամիջոցում Հայաստան կատարած ֆրանսիացի բարձրաստիճան պաշտոնյաների՝ իրար հաջորդող այցերը (Սենատի նախագահ Ռ. Մոնորի՝ 30.05.1996<sup>675</sup>, արտգործնախարար Է. դը Շարեթ՝ 09.10.1996<sup>676</sup> և 02.04.1997<sup>677</sup>), որոնք հիմնականում նպատակ էին հետապնդում ուսումնասիրել ու գտնել Ղարաբաղի հակամարտության լուծումը<sup>678</sup>։ Հետաքրքրական է, որ Ֆրանսիայի արտգործնախարար Է. Դը Շարեթի՝ մինչև 1997-ին տարածաշրջան կատարած ապրիլյան այցը ֆրանսիացի բարձրաստիճան ոչ մի պաշտոնյա չէր այցելել Ադրբեյջան<sup>679</sup>։

Նույն թվականի հունիսին Ֆրանսիայի Հանրապետության վարչապետ Լ. ժոսպենը Ղարաբաղյան հակամարտության և դրա հնարավոր հանգուցալուծման վերաբերյալ հանդես եկավ հայտարարությամբ, որում մասնավորապես ասված էր. «Այս հարցում ես ընդունում եմ այն սկզբունքների հակադրությունը, որոնք առաջ են քաշվում միջազգային հանրության կողմից լուծում գտնելու համար այդ հակամարտությանը։ Դուք իրավացիորեն մատնանշում եք այն ձևական անհամապատասխանությունը, որ իրավական մի դիրքը բավարարում է հայկական կողմին, մյուս կողմը՝ ադրբեյջանցիներին։ Հակամարտության մեջ երկակիությունը այդտեղ է։ Դրա կարգավորումը դժվարությամբ կարող է հենվել այդ սկզբունքներից միայն մեկի հաշվառման վրա, բացառությամբ ուժով պարտադրելուց և պատերազմական դրությունը երկարաձգելուց։ Միջազգային հանրությունը, ԵԱՀԿ-ն հաշվի է առել միջազգային այդ արժեքների հակասությունը, որովհետև այստեղ, ինչպես նաև այլ հակամարտություններում, հնարավոր չէ խաղաղության հասնել առանց շահագրգիռ կողմերի միջև ուղղակի բանակցությունների հետևանքով ձեռք բերված փոխզիջումների։ Միջազգային հանրությունը կարող է և պարտավոր է դրա համար նպաստավոր պայմաններ ստեղծել»<sup>680</sup>։

1997 թվականի հունվարի 1-ին Ֆրանսիան ընտրվեց ԵԱՀԿ-ի Մինսկի խմբի համանախագահ, ինչը ԵԱՀԿ խաղաղության գործընթացի մեջ առավել ակտիվորեն ներգրավելու նրա կամքի վկայությունն էր<sup>681</sup>։ Դրան խստիվ առարկեց Ադրբեյջանը, որը Ֆրանսիային համարում էր հայամետ տրամադրված պետություն՝ այնտեղ քաղաքական ազդեցիկ կշիռ ու հեղինակություն, պատմական հարուստ անցյալ ունեցող հայ համայնքի առկայության պատճառով։ Այսպիսով՝ ըստ ֆրանսիացի պաշտոնյաների՝ Ադրբեյջանը մերժեց Ֆրանսիայի թեկնածությունը՝ վերաձվելով ամերիկացիների գործիքի<sup>682</sup>։ Արդյունքում՝ 1997 թվականի փետրվարի 14-ին ԵԱՀԿ-ում որոշում ընդունվեց երեք համանախագահների՝ Ռուսաստանի, Ֆրանսիայի և ԱՄՆ-ի մասին։ Այդ ժամանակ, ինչպես գիտենք, ակտիվ փուլում էին հայ-ֆրանսիական երկկողմ փոխայցելությունները, որոնց ընթացքում բուռն քննարկումներ էին ծավալվում Ղարաբաղյան հիմնախնդրի վերաբերյալ։ Ի դեպ, այս պարագայում Ֆրանսիան օգտվում էր Հայաստանում

<sup>674</sup> ՀՀ ԱԳՆ ՊՂԲ, ց. 1, գ. 180, թ. 67:

<sup>675</sup> ՀՀ ԱԳՆ ՊՂԲ, ց. 1, գ. 180, թ. 96:

<sup>676</sup> ՀՀ ԱԳՆ ՊՂԲ, ց. 7, գ. 22, թ. 6:

<sup>677</sup> ՀՀ ԱԳՆ ՊՂԲ, ց. 2, գ. 37, թ. 29:

<sup>678</sup> ՀՀ ԱԳՆ ՊՂԲ, ց. 3, գ. 185, թ. 12:

<sup>679</sup> ՀՀ ԱԳՆ ՊՂԲ, ց. 2, գ. 37, թ. 25:

<sup>680</sup> ՀՀ ԱԳՆ ՊՂԲ, ց. 2, գ. 37, թ. 25:

<sup>681</sup> ՀՀ ԱԳՆ ՊՂԲ, ց. 1, գ. 180, թ. 170:

<sup>682</sup> ՀՀ ԱԳՆ ՊՂԲ, ց. 1, գ. 180, թ. 171:

համակրանքի կապիտալից և բարենպաստ միջավայրից, որը նրան թույլ էր տալիս ամրապնդել իր ներկայությունը տարածաշրջանում<sup>683</sup>:

1997 թվականին Հայաստանի Հանրապետության Նախագահ Լևոն Տեր-Պետրոսյանի՝ Ֆրանսիա կատարած այցի ժամանակ Ֆրանսիայի Նախագահ Ժակ Շիրակը, կարևորելով ֆրանսիական կողմի մասնակցության հնարավորությունը հակամարտության խաղաղ լուծման հարցում, նշեց, որ Ֆրանսիան, ինչպես միշտ, կողմ է խաղաղ, բանակցային ճանապարհով հիմնախնդրի կարգավորմանը՝ չբացառելով բանակցություններին որպես բանակցող կողմ Լեռնային Ղարաբաղի մասնակցության հնարավորությունը՝ նշելով, որ առանց Ղարաբաղի ոչինչ հնարավոր չէ անել<sup>684</sup>: «Ֆրանսիան և Հայաստանը պնդում են Լեռնային Ղարաբաղի բնակչության անվտանգության միջազգային երաշխիքների անհրաժեշտությունը և միջազգային հանրությանն ու Եվրոպական համայնքին հրավիրում համակողմանիորեն բավարարել նրա սոցիալ-տնտեսական պահանջմունքները», - ասված է երկու երկրների Նախագահների համատեղ հայտարարությունում<sup>685</sup>: Նախագահ Ժակ Շիրակը այս մասին բարձրաձայնել էր նաև 1998 թվականին Ռուսաստանի Դաշնություն կատարած պետական այցի ժամանակ<sup>686</sup>: Պարզ է, որ ֆրանս-ադրբեջանական հարաբերություններում որոշակի լարվածություն առաջացրեց ադրբեջանցիների կողմից Ֆրանսիայի համանախագահության մերժումը, որը պարզորոշ կերպով դրսևորվեց Ադրբեջանի Նախագահ Հեյդար Ալիևի՝ Ֆրանսիա կատարած այցի ժամանակ<sup>687</sup>: 1998 օգոստոսի 22-ին Իրանի Իսլամական Հանրապետություն այցելեց Ֆրանսիայի արտգործնախարար Յ. Վեդրինը, որի ընթացքում իրանական պաշտոնական շրջանակների հետ հանդիպումների ժամանակ քննարկվեց նաև Ղարաբաղյան հակամարտության խնդիրը և դրա հանգուցալուծման հարցը, որի ժամանակ իրանական կողմը (արտգործնախարար Զ. Խարազիի առաջարկությամբ) ցանկություն հայտնեց համագործակել ԵԱՀԿ Մինսկի խմբի հետ՝ հակամարտության կարգավորմանն աջակցելու համար<sup>688</sup>: Այսինքն՝ ֆրանսիական քաղաքական շրջանակները և ԵԱՀԿ Մինսկի խմբի շրջանակներում և դրանից դուրս ցանկանում էին լայն բանակցային գործընթաց սկսել՝ փորձելով համագործակցել նաև հիմնախնդրի հանգուցալուծմամբ շահագրգռված մյուս կողմերի հետ:

Ինչպես նշվեց, 1998 թվականին Ֆրանսիայի Նախագահ Ժակ Շիրակը պետական այց էր կատարել Ռուսաստանի Դաշնություն, որի ժամանակ Ռուսաստանի Դաշնության Նախագահ Բորիս Ելցինի հետ քննարկել էր Ղարաբաղյան հակամարտության կարգավորման հարցը, և համաձայնության էին եկել խաղաղությանն աջակցելու հարցում<sup>689</sup>: Այդ ամենից կարելի էր ենթադրել, որ ժամանակի ընթացքում ձևավորվելու էր Ղարաբաղյան հակամարտության կարգավորման վերաբերյալ ֆրանս-ռուսական հայանպաստ հակակշռություն, աշխույժ փոխգործակցություն ու համագործակցություն՝

<sup>683</sup> ՀՀ ԱԳՆ ՊՂԲ, ց. 5, գ. 22, թ. 68:

<sup>684</sup> ՀՀ ԱԳՆ ՊՂԲ, ց. 3, գ. 185, թ. 11:

<sup>685</sup> ՀՀ ԱԳՆ ՊՂԲ, ց. 1, գ. 180, թ. 90:

<sup>686</sup> Discours de M. Jacques Chirac, Président de la République, sur l'ancienneté des relations franco-russes, la coopération culturelle et économique entre la France et la Russie et sur la vocation de la Russie à devenir partenaire de l'Union européenne et des organisations internationales, politiques et économiques, Moscou le 26 septembre 1997, URL: <http://discours.vie-publique.fr/notices/977016667.html>.

<sup>687</sup> Chirac le fataliste, 09.10.1997, URL: [https://www.lexpress.fr/informations/chirac-le-fataliste\\_624647.html](https://www.lexpress.fr/informations/chirac-le-fataliste_624647.html).

<sup>688</sup> France – Iran. Visite du chef de la diplomatie française en Iran, 22.08.1998, URL: <https://www.universalis.fr/evenement/22-23-aout-1998-visite-du-chef-de-la-diplomatie-francaise-en-iran/>.

<sup>689</sup> ՀՀ ԱԳՆ ՊՂԲ, ց. 1, գ. 180, թ. 168:

ընդդեմ ամերիկյան բացահայտ աղորեջանամետ դիրքորոշումների, մոտեցումների ու նախաձեռնությունների:

Ճավալվող քաղաքական իրադարձությունների վրա որոշակի ազդեցություն ունեցավ 1998 թվականին Հայաստանում նոր նախագահի ընտրությունը, որը լիովին նոր մոտեցումներ ներկայացրեց Ղարաբաղյան հիմնախնդրի կարգավորման վերաբերյալ: Ռոբերտ Զոչարյանը արտաքին քաղաքականության մեջ անզիջում քաղաքական գծի կողմակից էր՝ ի տարբերություն նախորդի՝ Լևոն Տեր-Պետրոսյանի, որը, ըստ ֆրանսիացիների բնորոշման, Ղարաբաղյան հիմնահարցի բանակցային գործընթացում չափավորության խորհրդանիշ էր<sup>690</sup>:

2000-2001 թվականներին բանակցային գործընթացում ակտիվ ու առավել նախաձեռնողական միջնորդության փորձ ձեռնարկեց Ֆրանսիայի նախագահ Ժակ Շիրակը: Այդ ամենը ինքնանպատակ չէր. Ժակ Շիրակի նախագահության վերջին շրջանն էր և օգտվելով Ֆրանսիայի՝ ԵԱՀԿ Մինսկի խմբի համանախագահ լինելու հանգամանքից, ինչպես նաև օգտագործելով իր հեղինակությունը՝ փորձեց նոր նախաձեռնություններով հանդես գալ հիմնախնդրի հանգուցալուծման ուղղությամբ: Այդ ընթացքում տեղի ունեցան Հայաստանի ու Ադրբեջանի նախագահների չորս հանդիպումներ, որոնց ընթացքում մշակվեցին հիմնախնդրի կարգավորման վերաբերյալ որոշակի սկզբունքներ, որոնք հայտնի դարձան Փարիզյան սկզբունքներ անվանմամբ: Դրանց հիմնական կարևոր կետերն էին՝ 1. Հայաստանի Հանրապետության և Լեռնային Ղարաբաղի միջև կապը Լաչինի միջանցքով ապահովելու դիմաց Ադրբեջանի ու Նախիջևանի միջև Մեղրիով կապ ապահովելու սկզբունքը համարժեքության սկզբունքով, 2. Լեռնային Ղարաբաղին պետք է տրվեն անվտանգության լիարժեք երաշխիքներ, 3. փախստականների հարցի կարգավորումը մասնավորապես նրանց նախկին բնակավայրեր վերադառնալու իրավունքի իրացումով<sup>691</sup>:

Պետք է նշել, որ հենց նույն ժամանակահատվածում ի հայտ եկան Փարիզյան սկզբունքները բացառող ու ժխտող փաստարկներ: Ադրբեջանի արտաքին գործերի նախարար Վիլայաթ Գուլիևը հերքում էր, թե Հայաստանն ու Ադրբեջանը 2001 թվականին Փարիզում ձեռք էին բերել որոշակի համաձայնություններ՝ Ղարաբաղյան հակամարտության լուծման ուղղությամբ<sup>692</sup>, իսկ Հայաստանի ղեկավարներն իրենց հերթին նախագահ Զեյդար Ալիևին մեղադրում էին Փարիզյան սկզբունքները խեղաթյուրված ներկայացնելու մեջ՝ կտրականապես հերքելով, որ դրանք հիմնված են տարածքների փոխանակման գաղափարի վրա: Ըստ հայ ղեկավարների՝ Ադրբեջանը Մեղրիով ունենալու էր սոսկ երաշխավորված հաղորդակցության ուղի, մինչդեռ Հայաստանը վերահսկելու էր Լեռնային Ղարաբաղն ու Լաչինը<sup>693</sup>: Այսինքն՝ այս հանդիպումը ևս ըստ էության անարդյունավետ եղավ՝ համաձայնության և ընդհանուր դիրքորոշման չհասնելու պատճառով:

2001 թվականի հունվարի 26-ին Փարիզում ընթացան Ռոբերտ Զոչարյանի և Զեյդար Ալիևի հերթական բանակցությունները՝ նախագահ Ժակ Շիրակի նախաձեռնությամբ ու մասնակցությամբ: Բանակցությունների երկրորդ փուլը տեղի ունեցավ Փարիզում նույն թվականի մարտի 4-ին: Գնահատելով բանակցությունների գրանցած արդյունքները՝ Ֆրանսիայի նախագահ Ժակ Շիրակը նշեց, որ «Ղարաբաղյան խնդրի լուծման գործում դրական տեղաշարժ է նկատվել», - վստահություն հայտնելով, որ «որոշակի պայմաններում, որոնց համար հողն արդեն մշակվել է, Հայաստանի և

<sup>690</sup> ՀՀ ԱԳՆ ՊՊԲ, ց. 5, գ. 22, թ. 69:

<sup>691</sup> Nalbandyan E., Haut-Karabagh: Un reglement en vue?, 06.02.2015, URL: [http://www.politiqueinternationale.com/revue/article.php?id\\_revue=146&id=1357&content=synopsis](http://www.politiqueinternationale.com/revue/article.php?id_revue=146&id=1357&content=synopsis).

<sup>692</sup> Ադրբեջանը կրկին հերքում է «Փարիզյան սկզբունքները», 10.07.2002, URL: <https://www.azatutyun.am/a/1569901.html>:

<sup>693</sup> Տե՛ս նույն տեղում:

Ադրբեջանի հակամարտության խաղաղ հանգուցալուծման սերմը պետք է լավ ծիլեր տա մինչև ընթացիկ տարվա վերջը, որոնք այնուհետև կվերաճեն Բաքվի և Երևանի համար փոխընդունելի քաղաքական քայլերի»<sup>694</sup>:

2001 թվականի մայիսին Նախագահ Ժակ Շիրակի՝ կովկասյան տարածաշրջան կատարած այցից և Հայաստանի Նախագահ Ռոբերտ Զոչարյանի հետ հանդիպումից հետո ԵԱՀԿ ֆրանսիական համանախագահությունը հայտարարեց, որ Ղարաբաղյան հակամարտության կարգավորման համար անհրաժեշտ են նոր մեխանիզմներ, որոնք հաշվի կառնեն բոլոր կողմերի տեսակետները<sup>695</sup>: Կարելի է ասել, որ Ֆրանսիան ի սկզբանե ձգտում էր Ղարաբաղյան հիմնախնդրում հնարավորինս անաչառ միջնորդությամբ հանդես գալ, նույնը սակայն չի կարելի ասել ԱՄՆ-ի մասին, որը, հետամուտ լինելով սեփական շահերին և նպատակներին, Նախևառաջ մտածում էր Ադրբեջանի հետ կնքած նավթային պայմանագրերի և փոխշահավետ, բազմաոլորտ համագործակցության մասին:

Հայ-ֆրանսիական բարեկամական հարաբերությունների նոր շրջափուլը սկսվեց 2006 թվականին, երբ պետական այցով Հայաստան ժամանեց Ֆրանսիայի Նախագահ Ժակ Շիրակը, որի ընթացքում հանդես եկավ կարևոր քաղաքական հայտարարություններով՝ կոչ անելով Թուրքիային ճանաչել Հայոց ցեղասպանությունը<sup>696</sup>: Անդրադառնալով Ղարաբաղյան հակամարտության հարցը ԵԱՀԿ-ից Միացյալ Ազգերի Կազմակերպություն տեղափոխելու խնդրին՝ Ժակ Շիրակը հայտարարեց նաև, որ դեմ է Ղարաբաղյան հակամարտության հարցի տեղափոխմանը ԵԱՀԿ շրջանակներից դեպի քաղաքական այլ հարթություն<sup>697</sup>:

2006 թվականի փետրվարի 10-11-ը Նախագահ Ժակ Շիրակը Ելիսեյան պալատում հանդիպումներ ունեցավ Հայաստանի Նախագահ Ռոբերտ Զոչարյանի և Ադրբեջանի Նախագահ Ջեյդար Ալիևի հետ, որից հետո Հայաստանի ու Ադրբեջանի ղեկավարներն ուղևորվեցին Ռամբուլե ամրոց, որտեղ Նախագահ Ժակ Շիրակի միջնորդությամբ տեղի ունեցավ Հայաստանի ու Ադրբեջանի Նախագահների հերթական հանդիպումը<sup>698</sup>, որը կայացավ հակամարտության կարգավորման բանակցային գործընթացի նոր փուլի՝ Պրահայի գործընթացի ընթացքում, սակայն այդ բանակցություններում ևս, ինչպես նախորդներում, որևէ հաջողություն ու տեղաշարժ չարձանագրվեց:

Ռոբերտ Զոչարյան-Ջեյդար Ալիև բանակցությունները, ընդհանուր առմամբ, տևեցին չորս ժամ, իսկ ակնկալվող առաջընթացը մնաց անհասանելի՝ երկու կողմերի անզիջում և անշրջելի դիրքորոշումների պատճառով<sup>699</sup>: Ըստ որոշ աղբյուրների տվյալների՝ Ռամբուլեում կայացած երկկողմ բանակցությունների ծախսողման գլխավոր պատճառը Զեյնաջարի (Զարվաճառ) և Լեռնային Ղարաբաղի կարգավիճակի հարցում

<sup>694</sup> Քի Վեսթի ծնունդն ու վախճանը, 04.04.2011, URL: <https://mediamax.am/am/news/keywest/541/>:

<sup>695</sup> ՀՀ ԱԳՆ ՊՂԲ, ց. 5, գ. 22, թ. 143:

<sup>696</sup> En Arménie, Jacques Chirac a pressé la Turquie de reconnaître le génocide, 02.10.2006, URL: [https://www.lesechos.fr/02/10/2006/LesEchos/19763-192-ECH\\_en-armenie--jacques-chirac-a-presse-la-turquie-de-reconnaitre-le-genocide.htm](https://www.lesechos.fr/02/10/2006/LesEchos/19763-192-ECH_en-armenie--jacques-chirac-a-presse-la-turquie-de-reconnaitre-le-genocide.htm).

<sup>697</sup> Fin de la visite d'Etat de Jacques Chirac en Arménie, 01.10.2006, URL: [http://www.collectifvan.org/article\\_print.php?id=4370](http://www.collectifvan.org/article_print.php?id=4370).

<sup>698</sup> Բանակցությունները շարունակվում են, 10.02.2006, URL: <https://www.1plus.am/12947.html>:

<sup>699</sup> Le sort du Haut-Karabakh négocié à Rambouillet, 11.02.2006, URL: [https://www.liberation.fr/planete/2006/02/11/le-sort-du-haut-karabakh-negocie-a-rambouillet\\_29522](https://www.liberation.fr/planete/2006/02/11/le-sort-du-haut-karabakh-negocie-a-rambouillet_29522).

երկու կողմերի սուր հակասություններն էին, որոնց շուրջ այդպես էլ հնարավոր չէր ձևավորվել համաձայնության հասնել<sup>700</sup>:

2008-2009 թվականներին բանակցային գործընթացում արձանագրվեցին որոշակի փոփոխություններ, որոնք հիմնականում պայմանավորված էին ներքին և արտաքին մի շարք գործոններով՝ նախևառաջ տարածաշրջանում ի հայտ եկած նոր իրողություններով՝ ռուս-վրացական հնգօրյա պատերազմով, տարածաշրջանում ռուսական ազդեցության մեծացումով, Հայաստանում և Ադրբեջանում կայացած նախագահական ընտրություններով և հայ-թուրքական հարաբերություններում տեղի ունեցած փոփոխություններով, որոնք անմիջականորեն ազդեցին հիմնախնդրի կարգավորման բանակցային գործընթացի և դրա բնականոն ծավալման ընթացքի վրա:

Ֆրանսիական կողմը նախագահ Նիկոլա Սարկոզիի գլխավորությամբ սկսեց առավել ակտիվորեն մասնակցություն և ներգրավվածություն ունենալ հիմնախնդրի կարգավորման բանակցային գործընթացում, որի առնչությամբ նախագահ Սարկոզին Ադրբեջանի նախագահ Իլհամ Ալիևին ուղղված նամակում նշել էր. «Լեռնային Ղարաբաղի հիմնախնդրի կարգավորման առումով 2009 թվականը բացառիկ և նպատակահարմար կլինի, և հիմնախնդրի կարգավորմանը հասնելու համար անհրաժեշտ է օգտվել այդ հնարավորությունից: ... Ֆրանսիան պատրաստ է իր ներդրումը ունենալ այդ դրական տեղաշարժում, իսկ ավելի լայն իմաստով՝ մտադիր է մասնակցություն ունենալ Կովկասը խաղաղության և առաջընթացի գոտու վերածելուն ցանկացած աջակցության»<sup>701</sup>:

2011 թվականի սեպտեմբերին Հայաստանի<sup>702</sup>, իսկ մեկ ամիս անց՝ հոկտեմբերին, Ֆրանսիայի նախագահների պաշտոնական այցերի ընթացքում քննարկվել էր նաև հակամարտության կարգավորման, բանակցային գործընթացի ընթացքի և բանակցություններում ֆրանսիական կողմի ներգրավվածության, դրա մակարդակի, աստիճանի հետ կապված և այլ հարցեր:

2011 թվականի մայիսի 26-ին Դոփլում (Ֆրանսիա) կայացած «Մեծ Ութնյակի» գագաթաժողովում ԵԱՀԿ Մինսկի խմբի համանախագահ երկրների ղեկավարներ Դմիտրի Մեդվեդևի, Բարաք Օբամայի և Նիկոլա Սարկոզիի՝ հակամարտության բոլոր կողմերին ուղղված համատեղ հայտարարության մեջ վերահաստատվեցին և ևս մեկ անգամ սահմանվեցին հիմնախնդրի կարգավորման հիմքը կազմող միջազգային իրավունքի սկզբունքներն ու հանգուցալուծման ստորագրված: Հատուկ ընդգծվեց, որ խաղաղ կարգավորումն այլընտրանք չունի, իսկ ուժի կիրառումը խստորեն կդատապարտվի միջազգային հանրության կողմից<sup>703</sup>: Այդ հայտարարությունում համանախագահները մասնավորապես նշել էին. «Մենք հստակորեն կոչ ենք անում կողմերի առաջնորդներին իրենց բնակչությանը նախապատրաստել խաղաղությանը, այլ ոչ թե պատերազմին»<sup>704</sup>, այսինքն՝ հայտարարությունը խստորեն դատապարտում էր խաղաղության դեմ ուղղված

<sup>700</sup> Arménie Échec des négociations sur le Nagorny-Karabakh, 13.02.2006, URL: <https://www.lorientlejour.com/article/524024/ArmenieEchec-des-negociationssur-le-Nagorny-Karabakh.html>.

<sup>701</sup> Ըստ Նիկոլա Սարկոզիի՝ եկող տարին բացառիկ է լինելու Ղարաբաղյան հակամարտության կարգավորման հասնելու առումով, 28.11.2008, URL: <https://armenpress.am/arm/news/449464.html>:

<sup>702</sup> Նախագահ Սերժ Սարգսյանը հանդիպել է Նիկոլա Սարկոզիին, 29.09.2011, URL: <https://www.aysor.am/am/news/2011/09/29/sarkozy-sargsyan/339644>:

<sup>703</sup> Joint statement on the Nagorno-Karabakh Conflict, by the Presidents of the OSCE Minsk Group Co-Chair Countries at the G-8 Summit, Deauville, 26.05.2011, URL: <http://www.osce.org/mg/78195>.

<sup>704</sup> **Քոչարյան Շ.**, Ինչու դեռևս կարգավորված չէ Ղարաբաղի հակամարտությունը, ճգնաժամերի կանխարգելում և խաղաղաշինություն, հ. 3, Բոյոսել, 2013, էջ 27, URL: [http://www.historyofarmenia.am/images/menus/1085/Article\\_nkr\\_arm.pdf](http://www.historyofarmenia.am/images/menus/1085/Article_nkr_arm.pdf):

բոլոր մարտահրավերներն ու սպառնալիքները, որոնք երկու կողմերի ազգաբնակչությունների համար վտանգավոր և աղետաբեր էին լինելու:

2012-2013 թվականների ընթացքում հիմնախնդրի կարգավորման ուղղությամբ բազմապիսի նախաձեռնություններով էին հանդես գալիս ֆրանսիացի քաղաքական, հասարակական մի շարք գործիչներ, և այդ շրջանում էր, որ քննարկվում էր Լեռնային Ղարաբաղի հետ խորհրդարանական բարեկամական խմբերի ստեղծման հարցը, որը տեղի ունեցավ 2013 թվականի մարտի 19-ին, որում ընդգրկված են ֆրանսիացի քաղաքական, հասարակական գործիչներ, խորհրդարանի պատգամավորներ և սենատորներ<sup>705</sup>: Խորհրդարանական բարեկամության խմբի ստեղծումը առաջին հերթին միտված էր Լեռնային Ղարաբաղի իշխանությունների հետ անմիջական կապի հաստատմանը, ինչպես նաև նրանց հետ կայուն համագործակցության սկզբնավորմանը և դրա հետագա խորացմանն ու ծավալմանը:

2014 թվականի հոկտեմբերի 27-ին Ֆրանսիայի նախագահ Ֆրանսուա Օլանդի նախաձեռնությամբ Փարիզում Հայաստանի և Ադրբեյջանի նախագահներ Սերժ Սարգսյանի և Իլհամ Ալիևի մասնակցությամբ կազմակերպվեցին զազաթաժողովներ, որոնց ընթացքում ընդգծվել էր հակամարտության խաղաղ կարգավորման այլընտրանքի բացակայությունը, այսինքն՝ հակամարտությունը պետք է պարտադիր խաղաղ լուծում ունենար, ինչպես նաև պայմանավորվածություն էր ձեռք բերվել կողմերի միջև շարունակելու բարձր մակարդակի բանակցությունները<sup>706</sup>:

2015 թվականին լրանում էր Հայոց ցեղասպանության 100-րդ տարեիցը, և ինչպես աշխարհի տարբեր երկրներում, ֆրանսահայ համայնքում ևս իրենց գործունեությունն էին ակտիվացրել լրբիստական կազմակերպությունները, որոնց քաղաքական օրակարգում ոչ միայն Հայոց ցեղասպանության միջազգային ճանաչման ու դատապարտման խնդիրն էր, այլև Ղարաբաղյան հիմնախնդիրը, որի հանգուցալուծմանն օժանդակելու և աջակցելու համար ֆրանսահայ լրբիստական կազմակերպությունները նորանոր նախաձեռնություններով ու քայլերով էին հանդես գալիս:

2015 թվականի սեպտեմբերի 21-ին նախագահ Սերժ Սարգսյանին Հայաստանի Հանրապետության անկախության տոնի կապակցությամբ հղած շնորհավորական ուղերձում նախագահ Ֆրանսուա Օլանդը, անդրադառնալով Ղարաբաղյան հիմնախնդրի կարգավորման խնդրին և այդ հարցում ֆրանսիական կողմի շահագրգռվածությանն ու նախաձեռնողականությանը, մասնավորապես նշել էր. «Որպես Միևսկի խմբի համանախագահ, Ֆրանսիան վճռականորեն կշարունակի Լեռնային Ղարաբաղի հակամարտության կարգավորմանն ուղղված իր միջնորդական ջանքերը՝ հուսալով, որ 2014 թվականի հոկտեմբերին Փարիզում կայացած զազաթնաժողովի առաջխաղացումները կնպաստեն հարցի շուտափույթ լուծմանը»<sup>707</sup>:

Իր նշանակությամբ և արդյունքներով կարևոր էր Եվրախորհրդարանի 2016 թվականի ապրիլի 12-ի լիազումար նիստը (Ստրասբուրգ), որտեղ ի թիվս այլ հարցերի, քննարկումներ տեղի ունեցան նաև Ղարաբաղյան հիմնախնդրի վերաբերյալ, որի ընթացքում ելույթներ հնչեցին Ադրբեյջանի ապակառուցողական քաղաքականության,

<sup>705</sup> Արցախի Հանրապետության Արտաքին գործերի նախարարություն, Միջազգային համագործակցություն, URL: <http://www.nkr.am/hy/international-cooperation>:

<sup>706</sup> Ամփոփվել են ԼՂ հիմնախնդրի կարգավորմանն ուղղված փարիզյան բանակցությունները, 27.10.2014, URL: <https://www.president.am/hy/press-release/item/2014/10/27/President-Serzh-Sargsyan-triple-meeting-in-Paris/>:

<sup>707</sup> Ֆրանսիայի նախագահ Օլանդը հայ ժողովրդին երջանկություն, բարօրություն և հաջողություն է մաղթում, 21.09.2015, URL: <https://armeniasputnik.am/armenia/20150921/697532.html>:

արցախցիների խաղաղ գոյատևման համար երաշխիքների ապահովման և ԼՂՀ ճանաչման վերաբերյալ<sup>708</sup>:

2017 թվականի մարտի 8-ին Ելիսեյան պալատում կայացած Հայաստանի Հանրապետության և Ֆրանսիայի Հանրապետության Նախագահների հերթական մամուլ ասուլիսում խոսելով Ղարաբաղյան հիմնախնդրի կարգավորման մասին՝ Նախագահ Ֆրանսուա Օլանդը նշել էր. «...Մենք պարտավոր ենք շարունակելու մեր ջանքերը Լեռնային Ղարաբաղի հիմնախնդիրը կարգավորելու գործում: Դուք գիտեք Ֆրանսիայի՝ որպես ԵԱՀԿ Մինսկի խմբի համանախագահ երկրի պատրաստակամությունը այս հակամարտությանը լուծում գտնելու մեջ: 2016 թվականի ապրիլյան բախումները և մի քանի օր առաջ պատահած դեպքերը դրա ողբերգական ապացույցներն են: Չենքի ուժը ոչ մեկին և երբեք բարիք չի բերել, խաղաղությունն էլ հաստատվել է այնտեղ, ուր տիրել է դիմացինին ականջալուր լինելու ու խելամիտ փոխզիջումների անհրաժեշտության գիտակցումը: Ակնհայտ է, որ խաղաղությունը ոչ թե հակասությունների բացակայությունն է, այլ դրանք խաղաղ միջոցներով կարգավորելը»<sup>709</sup>:

Այս հայտարարության առնչությամբ կարելի է նշել, որ ֆրանսիական կողմը արտահայտում էր հայկական կողմի դիրքորոշմանը համահունչ դիրքորոշում, համաձայն որի՝ Ղարաբաղյան հիմնախնդիրը պետք է լուծվի բացառապես խաղաղ կարգավորում՝ այդպիսով մեկընդմիջտ բացառելով հիմնախնդրի հանգուցալուծման այլ տարբերակները: Ֆրանսահայ համայնքը ևս այդ ժամանակահատվածում հանդես էր գալիս ակտիվ գործունեությամբ, որի օրինակներից էր Ֆրանսիայում Ադրբեջանի դեսպանի հրապարակային քննադատությունը՝ կապված նրա բացահայտ հակահայ գործունեության ու Նախաձեռնությունների հետ<sup>710</sup>, ի հակադրություն որի՝ ֆրանսահայ կազմակերպությունները հանդես էին գալիս «խաղաղություն Ղարաբաղին, ժողովրդավարություն՝ Ադրբեջանին» կարգախոսով՝ նշելով, որ ի սկզբանե ադրբեջանական կողմը դեմ է եղել հիմնախնդրի խաղաղ կարգավորմանը, որի գլխավոր պատճառներից մեկը նրանք համարում էին Ադրբեջանում ժողովրդավարության բավականին ցածր մակարդակը<sup>711</sup>:

2018 թվականն իր գրանցած արդյունքներով նշանակալի էր ինչպես Հայաստանի Հանրապետության, այնպես էլ հայ-ֆրանսիական հարաբերությունների էլ ավելի ամրապնդման ու խորացման տեսանկյունից: 2018 թվականի հունվարի 22-ին պաշտոնական այցով Ֆրանսիայում էր գտնվում Հայաստանի Հանրապետության Նախագահ Սերժ Սարգսյանը՝ հանդիպում ունենալով Նախագահ Էմանուել Մակրոնի հետ, որը հետաքրքրվել էր Նաև Ղարաբաղյան հիմնախնդրի կարգավորման բանակցային գործընթացի վերջին զարգացումներով և այդ գործընթացն առաջ մղելու հնարավորությունների վերաբերյալ Նախագահ Սարգսյանի մոտեցումներով, ինչպես նաև տարածաշրջանի երկրների հետ Հայաստանի հարաբերություններով<sup>712</sup>:

<sup>708</sup> **Բաղդասարյան Ն.**, Արցախի Հանրապետության ճանաչման խոսույթը որպես հակամարտության զսպման լծակ ապրիլյան և հետապրիլյան ռազմաքաղաքական զարգացումներում, «Արցախի Հանրապետության միջազգային ճանաչման հիմնախնդիրներն ու հեռանկարները» 2-րդ միջազգային երիտասարդական գիտաժողովի նյութերի ժողովածու, Երևան, ԱԵԳՄՄ, 2017, էջ 105:

<sup>709</sup> Օլանդը՝ ԼՂ հիմնախնդրի մասին. Ոչինչ այդքան վատ չէ, ինչքան ստատուս քվո, 09.03.2017, URL: <https://www.aysor.am/am/news/2017/03/09/1224654>:

<sup>710</sup> Le CCAF dénonce les méthodes dangereuses de l'ambassadeur d'Azerbaïdjan en France, 04.01.2017, URL: <http://ancnews.info/?p=10719>.

<sup>711</sup> Paix au Karabakh, démocratie en Azerbaïdjan!, 12.03.2017, URL: [https://www.libération.fr/debats/2017/03/12/paix-au-karabakh-democratie-en-azerbaïdjan\\_1555172](https://www.libération.fr/debats/2017/03/12/paix-au-karabakh-democratie-en-azerbaïdjan_1555172).

<sup>712</sup> Նախագահներ Սերժ Սարգսյանը և Էմանուել Մակրոնն ամփոփել են բարձր մակարդակի բանակցությունների արդյունքները, 23.01.2018, URL:

Հարկ է նշել, որ 2017 թվականից Ֆրանսիայի Հանրապետության նախագահի պաշտոնը զբաղեցնող Էմանուել Մակրոնը միայն 2018 թվականի սկզբից սկսեց որոշակի հետաքրքրություն ցուցաբերել և դիրքորոշում արտահայտել Ղարաբաղյան հիմնախնդրի և դրա հանգուցալուծման վերաբերյալ: Այդ կապակցությամբ Ֆրանսիայի Հանրապետության խորհրդարանի իշխող կուսակցության («Առաջ Հանրապետություն») հայազգի պատգամավոր Դանիել Ղազարյանը նշել էր. «Ես կարծում եմ, որ Մակրոնի գործունեությունն այդ գործընթացում կդառնա նրա նախորդի՝ Ֆրանսուա Օլանդի քաղաքականության շարունակությունը: Անհրաժեշտ է Ֆրանսիայի նոր նախագահին մի քիչ ժամանակ տալ և դրանով իսկ չկասկածել, որ նա կարող է այդ հակամարտության կարգավորման գործում ակտիվ մասնակցություն ունենալ»<sup>713</sup>: 2018 թվականին չնայած ադրբեջանական կողմի խոչընդոտող քայլերին՝ շարունակվում էր հիմնախնդրի կարգավորման բանակցային գործընթացը: Այդ ամենի վերաբերյալ արձագանք կար 2018 թվականի փետրվարի 28-ին Սումգայիթյան ոճրագործության 30-րդ տարեկիցի կապակցությամբ Հայաստանի Հանրապետության Ազգային ժողովի հայտարարության մեջ, ըստ որի՝ «Հայաստանի Հանրապետության Ազգային ժողովը արձանագրում է, որ Ադրբեջանի իշխանությունները, հակադրվելով միջազգային հանրությանն ու ԵԱՀԿ Մինսկի խմբի համանախագահ երկրներին, խաթարում են Լեռնային Ղարաբաղի հիմնահարցի հանգուցալուծման բանակցային գործընթացը՝ շարունակելով ապավինել ուժի և ուժի սպառնալիքի կիրառմանը»<sup>714</sup>, որը լայնորեն լուսաբանվեց ֆրանսիական մամուլում և որին աջակցություն արտահայտեցին Լիոնում Սումգայիթյան ոճրագործության 30-րդ տարեկիցին նվիրված միջոցառման ժամանակ<sup>715</sup>:

2018 թվականին իր գործունեությունն ակտիվացրեց նաև Ֆրանսիա-Արցախ բարեկամության խումբը, որը նույն թվականի փետրվարի 5-ին ֆրանսիական իշխանություններին կոչ էր արել ուղիղ, անկեղծ ու կառուցողական երկխոսության մեջ մտնել Արցախի իշխանությունների հետ և դրանով իսկ նպաստել հիմնախնդրի արդարացի և բացառապես խաղաղ կարգավորմանը<sup>716</sup> (այդպիսով բացառելով հիմնախնդրի կարգավորման այլ տարբերակները)՝ հիմնված Զեյսինկյան եզրափակիչ ակտի հիմնարար սկզբունքների, այդ թվում՝ ուժի և ուժի սպառնալիքի չկիրառման, տարածքային ամբողջականության, ժողովուրդների հավասար իրավունքների ու ինքնորոշման սկզբունքների հիման վրա<sup>717</sup>:

Հայաստանում տեղի ունեցած իշխանափոխությունից հետո առաջին անգամ 2018 թվականի սեպտեմբերի սկզբին Հայաստանի Հանրապետության վարչապետի պաշտոնակատար Նիկոլ Փաշինյանն աշխատանքային այցով Ֆրանսիայում էր (ՀՀ վարչապետի պաշտոնակատար Նիկոլ Փաշինյանը նախագահ Էմանուել Մակրոնի հետ առաջին անգամ հանդիպել էր նույն թվականի հուլիսի 11-ին Բրյուսելում՝ ՆԱՏՕ-ի

---

<https://www.president.am/hy/press-release/item/2018/01/23/President-Serzh-Sargsyans-press-point-with-President-Macron>:

<sup>713</sup> Ֆրանսիացի պատգամավոր. Էմանուել Մակրոնը դեռ չի հասցրել իրեն դրսևորել Ղարաբաղի հարցով. 10.10.2017, URL: <https://artsakhpress.am/arm/news/74051/fransiapatzgamavor%E2%80%A4emanuel-makrony-der-chi-hascrel-iren-drsevorel-xarabaxi-harcov.html>:

<sup>714</sup> Հայաստանի Հանրապետության Ազգային ժողովի հայտարարությունը Սումգայիթյան ոճրագործության 30-րդ տարեկիցի կապակցությամբ, 28.02.2018, URL: <http://www.parliament.am/legislation.php?sel=show&ID=6180&lang=arm>:

<sup>715</sup> Սումգայիթյան ջարդերի 30-ամյա տարեկիցին նվիրված միջոցառում Լիոնում, 28.02.2018, URL: :

<sup>716</sup> Le Cercle d’Amitié France-Artsakh appelle Paris à ouvrir un dialogue direct avec la diplomatie artsakhote, 05.02.2018, URL: <http://www.france-artsakh.fr/2018/02/05/le-cercle-damitie-france-artsakh-appelle-paris-a-ouvrir-un-dialogue-direct-avec-la-diplomatie-artsakhote/>.

<sup>717</sup> Մինսկի խմբի համանախագահների հայտարարությունը, 12.07.2018, URL: <https://www.lragir.am/2018/07/12/363659/>:

կենտրոնակայանում, որի ընթացքում անդրադարձ էր կատարվել նաև Ղարաբաղյան հիմնախնդրի խաղաղ կարգավորմանը<sup>718</sup>), որտեղ հանդիպումներ ունեցավ նախագահ Էմանուել Մակրոնի, ֆրանսահայ համայնքի մի շարք ներկայացուցիչների հետ, որոնց ընթացքում քննարկումներ տեղի ունեցան նաև Ղարաբաղյան հիմնախնդրի շուրջ<sup>719</sup>:

2018 թվականի նոյեմբերին Ֆրանսիա-Արցախ բարեկամության խմբի նախագահ Գի Թեյսիերը հանդես եկավ հետաքրքիր և արտառոց նախաձեռնությամբ՝ կոչ անելով Ֆրանսիայի Հանրապետության Ազգային ժողովի Ֆրանսիա-Հայաստան և Ֆրանսիա-Ադրբեջան բարեկամության խմբերի ներկայացուցիչներին աշխատել ու համագործակցել Արցախի իշխանությունների հետ՝ առաջարկելով նրանց պատվիրակություն ձևավորել և ուղարկել Արցախ՝ Արցախի իշխանությունների հետ համագործակցելու համար<sup>720</sup>:

Այսինքն՝ տվյալ ժամանակահատվածում բարձրացել էր Ղարաբաղյան հիմնախնդրի վերաբերյալ ֆրանսիական քաղաքական շրջանակների հետաքրքրությունը, որի պատճառն ըստ երևույթին նախագահ Էմանուել Մակրոնի որդեգրած և դրսևորած նախաձեռնողականությունն ու հայանպաստ դիրքորոշումն ու մոտեցումներն էին ինչպես Հայոց ցեղասպանության, այնպես էլ Ղարաբաղյան հիմնախնդրի և դրա հետագա կարգավորման վերաբերյալ:

Ամփոփելով կատարված ուսումնասիրությունը՝ կարելի է նշել, որ հայ-ֆրանսիական բարեկամական հարաբերությունների ամուր հիմքը կազմում է երկու երկրների երկկողմ փոխշահավետ համագործակցությունը Հայաստանի Հանրապետության արտաքին քաղաքական գերակայությունների շուրջ: Ֆրանսիական կողմը ԵԱՀԿ Մինսկի խմբի շրջանակներում և դրանից դուրս ամենատարբեր մակարդակներով հանդես է եկել հիմնախնդրի բացառապես խաղաղ կարգավորմանը նպաստող նախաձեռնություններով ու քայլերով, որոնք խթանել են հիմնախնդրի կարգավորման բանակցային գործընթացի ծավալմանը և քաղաքական արդյունքների գրանցմանն ու ձեռքբերմանը:

Այսպիսով՝ հայ-ֆրանսիական բարեկամական հարաբերությունների համատեքստում ուրույն տեղ ունի Ղարաբաղյան հիմնախնդիրը, որի շուրջ հայկական ու ֆրանսիական քաղաքական շրջանակների դիրքորոշումների համահունչությունը և ֆրանսիական կողմի՝ ԵԱՀԿ Մինսկի խմբի շրջանակներում հնարավորինս անկողմնակալ միջնորդական առաքելությամբ հանդես գալու պատրաստականությունը և ցանկությունը, ֆրանսահայ կազմակերպությունների կողմից ամենատարբեր մակարդակներով հիմնախնդրի շուրջ ծավալվող քննարկումները փաստում են հայ-ֆրանսիական դիմամիկ գործընկերային համագործակցության և դրա առանցքում Ղարաբաղյան հիմնախնդրի խաղաղ կարգավորմանն ուղղված երկկողմ շահագրգռվածության և նախաձեռնողականության մասին:

<sup>718</sup> Նիկոլ Փաշինյանը և Էմանուել Մակրոնը քննարկել են հայ-ֆրանսիական հարաբերությունների հետագա զարգացմանն ուղղված հարցեր, 11.07.2018, URL: <http://www.primeminister.am/hy/press-release/item/2018/07/11/Nikol-Pashinyan-Emmanuel-Macron/>:

<sup>719</sup> Նիկոլ Փաշինյանն ու Էմանուել Մակրոնը քննարկել են Ղարաբաղյան հիմնախնդրի կարգավորումը, 14.09.2018, URL: <https://armeniasputnik.am/world/20180914/14460248/paris-nikol-pashinyan-emanuel-makron.html>:

<sup>720</sup> Guy Teissier invite les groupes d'amitié France-Arménie et France-Azerbaïdjan de l'Assemblée nationale à venir dialoguer avec les autorités et le peuple d'Artsakh, 05.11.2018, URL: <http://www.france-artsakh.fr/2018/11/05/guy-teissier-invite-les-groupes-damitie-france-armenie-et-france-azerbaïdjan-de-lassemblee-nationale-a-venir-dialoguer-avec-les-autorites-et-le-peuple-dartsakh/>.

**MARIAM TOPAKYAN**

*Yerevan State University, Faculty of International Relations,  
Master's Student,  
Yerevan, Republic of Armenia*

The purpose of this article is to present the position and policy of the French Republic in Nagorno-Karabakh conflict. The task is to identify and analyze the official positions, attitudes of the French Republic and French political circles and their changes over time on the Nagorno-Karabakh conflict and its resolution, which has become one of the most important elements of the political agenda and dialogue of the Armenian-French friendly relations over time.

In the course of the study, historical-comparative and content analysis methods were applied.

As a result of the research the conclusion was drawn that the Karabakh conflict and its peaceful settlement have a significant place in Armenian-French relations. The participation of the French Republic in the Minsk Group and the similarity of the two countries' positions on the settlement of the issue testify for the dynamic and active partnership and interaction of the two countries in the settlement of the issue. In addition, the steps and initiatives undertaken by the French Republic within the Minsk Group and beyond are also evidence of the French side's goal of strengthening in the region and serving regional developments in pursuit of its own interests and goals.

**Keywords:** *French Republic, Armenian-French relations, Nagorno-Karabakh conflict, OSCE Minsk Group, negotiation process, security, French-Armenian community, inter-parliamentary friendship groups.*

## **ПОЗИЦИЯ И ПОЛИТИКА ФРАНЦУЗСКОЙ РЕСПУБЛИКИ В НАГОРНО-КАРАБАХСКОМ КОНФЛИКТЕ**

**МАРИАМ ТОПАКЯН**

*магистрант факультета международных отношений  
Ереванского государственного университета,  
г. Ереван, Республика Армения*

Цель статьи – представить позицию и политику Французской Республики в Нагорно-Карабахском конфликте. Наша главная задача – выявить и проанализировать официальную позицию Французской Республики и французских политических кругов по Нагорно-Карабахской проблеме и ее урегулированию, что на протяжении долгих лет

является одной из важнейших составляющих политической повестки и дружественного диалога в армяно-французских отношениях.

В ходе исследования были применены методы исторического, сравнительного анализа и анализ содержания.

В результате исследования мы пришли к выводу о том, что в армяно-французских отношениях важное место занимает проблема карабахского конфликта и его мирного урегулирования. Участие Французской Республики в Минской группе и схожесть позиций двух стран по урегулированию этого вопроса свидетельствуют о динамичном и активном партнерстве и взаимодействии двух стран в разрешении этой проблемы. Кроме того, инициативы и шаги, предпринятые Французской Республикой как в рамках Минской группы, так и за её границами, также свидетельствуют о стремлении французской стороны к укреплению в регионе и использованию региональных событий в собственных интересах и целях.

**Ключевые слова:** *Французская Республика, армяно-французские отношения, Нагорно-Карабахский конфликт, Минская группа ОБСЕ, переговорный процесс, безопасность, французо-армянская община, межпарламентские группы дружбы.*